

同安縣志卷之二十二

儒林

許升

柯翰

石起宗

王力行

呂大奎

邱葵

陳金鉞

黃文焯

宋

許升字順之號存齋紹興二十三年朱子等同安升年十三從遊最早朱子五年秩滿復從學於建陽

同安縣志

卷之二十二

儒林

一

其學益進朱子謂有得於內嘗書存齋二大字授之使扁書院復為之記臨別宿雲際寺朱子贈以

詩曰薄暮投花縣聯車入翠微長林生缺月永夜

照寒扉清話欣無數離懷悵有違勉哉強毅力千

里要同歸又云門前三徑長蒿萊愧子殷勤千里

來校罷遺書卻歸去此心元自不曾灰至家朱子

兩與書微示養氣修齊之意在衰經之中動閑禮

度擬古自裁朱子嘉之令校程氏語錄升曲折訂

正論量朱子答書甚悉居家偕同志陳齋仲肄業



洋隱寺又與石子重徐元聘柯國材陳汝器王近思等友善後遍交四方之士若范伯崇廖德明林擇之許敬之等或相過從或往來書問論道肄業朱子稱其恬澹靜退無物欲之累及卒爲文祭之今配享朱子祠中又祀鄉賢所著有孟子說禮記文解易解等書並湮滅無傳

柯翰字國材守道恬退篤於正學邑居教授常百餘人朱子爲同安主簿時屬治學事內行峻潔眾嚴憚之久皆化服國材講禮記朱子申其說又與友

同安縣志

卷之二十二 儒林

二

覆辨論仁體忠恕易卦春秋詳見朱子文集國材葺廬以居取楊子所記二年適一經者以名其堂朱子爲作一經堂記及其歿也朱子以文哭之有曰探討之勤白首不置弗索於祿弗婚於時又曰嗟君之德剛毅近仁望之可畏卽之可親可想見其人矣祀鄉賢

石起宗字似之乾道五年進士第二人由勅局刪定官召試館職條對時務辭義早然帝覽奏稱善除祕善者正字再遷權倉部郎官會當輪對力言言

子小人之情狀與天下治亂安危之機又言安啓
邊釁以開兵端不可不戒通判漳州寬鹽禁令民
輸米自槩斛禁卒刃民於市守欲未減力爭置以
法州人繪像祀焉知徽州除提舉浙西常平入爲
尚書吏部員外郎引對奏言德雖聖人所能躬修
治非聖人所能獨致願詔大臣盡公任責以破羣
臣徇私媿惰之習又奏乞取仁宗洪範政鑒與敬
天圖列置座右帝嘉歎久之命祕書省繕錄以進
後以考較類試卒於院起宗善字畫備數家體必
同安縣志

卷之二十二

儒林

三

書省汗青軒碑其所書也尤工詩賦好學不倦俸
餘悉市書嘗言藏書數千卷勝良田萬頃云所著
有經史管窺

王力行字近思淳熙閒與陳易楊至楊履正劉鏡皆
遊朱文公門文公謂力行明敏有餘而少持重因
勉以爲己工夫自是苦學善問深得其旨趣所著
朱氏傳授支派圖文公語錄一卷大全集載其問
答甚多祀鄉賢

呂大奎字圭叔少嗜學師事王昭復昭復師陳淳淳

師朱文公故圭叔得此紫陽道學之傳泉之遠近學
古擢高第者皆出其門登淳祐七年進士第一甲
因上書言及執政授潭州提舉司幹累遷吏部侍
郎兼崇政殿說書以操南音出知興化軍俸米盡
輸中戶以下賦德祐元年轉知漳州軍未行屬蒲
壽庚率知州田子真降元捕圭叔署降表不署將
殺之適門人有爲管軍總管者扶出至家乃以平
生著作泥封一室遂變服逃海島中壽庚遣兵追
之將逼授之官迫者及問其姓名不答壽庚怒而
同安縣志

卷之二十二 儒林

四

殺之年四十九圭叔著書盡燬於賊其易經集解
春秋或問孟子論語學易管見行於世者皆門人
所傳邱葵贊曰泉南名賢紫陽高弟造詣旣深踐
履復至致身事君舍生取義所學所守於公奚愧
元孔公俊建大同書院祀朱文公以圭叔配焉又
祀鄉賢并忠義祠

邱葵字吉甫爲諸生居海嶼中號釣磯風度凝然如
振鷺立鶴蚤有志於紫陽之學初從辛介甫繼從
信州吳平甫授春秋親炙呂大奎洪天錫之門最

久宋末科舉廢絕意進取杜門刻志厲學耕釣自給不求人知景炎元年大奎遇害蔡痛憤忘生爲詩感激壯烈晚一意著書所著易解疑書口義詩直講春秋通義禮記解四書日講經世書聲音既濟圖周禮補亡後元遣御史馬伯庸來徵託種圃自匿已而率達魯花赤賞幣至家力辭有卻聘述詩一首庸等取其遺書以去故其著述多無傳今惟存周禮補亡及釣磯詩集卒年九十配享朱子祠中又祀鄉賢門人呂椿克紹其學

同安縣志

卷之二十二 儒林

五

明

陳金鉞字時仰號毓泉莊江人萬歷甲午歲豐城李氏孟誠以正修之學倡道閩中獨陳時仰金鉞以諸生稱高弟而豐城推同有三陳金鉞及族子從新其一某也金鉞之學於居敬窮理之緒確然精密嘗曰吾身有大威儀總一敬而已緝熙敬止自流爲仁敬孝慈信敬用五事自符於貌言視聽思嗚呼我小子其敢夙夜不敬又曰大德不踰閑小德出入可也此可恕人非所律已守道之士寧拙

毋巧寧拘於道內毋溢於道外步步收斂至德性
堅定之後自然員融而不滯矣何喬遠極稱其學
黃文炤字麗甫號季駸參政文炳第也爲晉江諸生
久困後謝去專性命之學潛心力行述經談道其
於朱陸王氏異同一以朱子晚年定論爲折衷郡
縉紳皆敬異之而何喬遠尤加推重嘗疏薦於朝
未及徵直指興化李公復以學行薦會郡人黃蔣
二閣學在直私擬引新會餘干例優之爲忤者所
格而止隱南臺山中跌坐著書題之曰極高明鳳
同安縣志

卷之二十二 儒林

六

皇千仞素貧賤鷓鴣一枝好獎士類片善必揚念
朝野多故疎牀做席不敢自逸嘗東林孕昌句云
天上有人調玉燭山中許我坐春臺又曰四郊多
壘懷司馬一籌莫展愧仲達其草茅杞憂如此崇
禎戊寅南安斗栳之會起者相望文炤方講學筭
江出片紙諭立散去乙酉年登九十琉球國入貢
道溫陵者以幣乞書卻之吏部尙書張肯堂薦疏
曰品高高岱山學遡關閩不但鄉邦羽儀實爲盛朝
著蔡行年九十稱道不亂憂國倍殷屢登薦剡未

受恩綸允宜特授國子監學正職銜仍行有司以禮存問後隱輪山之北年九十六終所著有道南一脈兩孝經仁詮大極圖江學經緯諸書葉向高序兩孝經曰兩孝經者季啟取禮經之言孝者彙而列之以儷於孝經故稱兩也孝經大而禮經詳如大學之經傳互證但事不分屬義各自見故不可為傳而並稱經即此兩經而六經之蘊具矣嘗自大江以南至雲閒訪陳繼儒論業大相歡契遍歷諸名勝又嘗刻老彭觀井圖以寓遠害全身之

同安縣志

卷之二十二 儒林

七

指學者稱為黃布衣先生

文苑

許權

黃萬頃

徐應中

許景陽

陳齊仲

陳洽

劉志學

蘇玘

陳福山

張苗

葉普亮

朝幹

顏揚

汝楠

李如玉

受

周祐

蘇瀾

傅鏞

李希沆

許開

劉夢騶

蔣孟育

許獬

池顯方

紀文疇

劉霖任

葉后詔

梁岐超

李其蔚

陳常夏

張贊宗

同安縣志

卷之二十二

文苑

八

鄭得瀟

林霍

周奠邦

陳夢球

周奇炤

蔡驥良

葉奕章

葉壽晟

池其繩

許其鏐

莊元聲

陳可遠

張對墀

黃而輝

陳重琳

莊天能

許琰

畢

劉蔚

劉寶玉

黃江

張星徽

莊科達

葉晴峯

陳世澤

康亮

劉蘭

葉廷梅

高一揮

蔡士哲

宋

許權治平二年進士有文名平生所為名藍古刹碑文最多人爭傳誦祀鄉賢

同安縣志

卷之二十二 文苑

九

黃萬頃字景度紹興二十七年進士知雷州陞對言馬政甚悉帝嘉嘆改知廉州秩滿改瓊州從宦四十年不植畝田椽屋仕纔起輒仆視之恬然日以詩酒為樂所著有詩文數百篇又集古今詩話為筆苑五卷祀鄉賢

徐應中舉進士朱文公為簿時請充學賓以教生徒稱其留意講學議論純正

許景陽字子春從文公游文公稱其說話意趣儘好恨不得款曲議論

陳齊仲嘗遊朱子門資性高明於理道多解官朱子勉其務實以底於醇

陳洽字澤南入太學慶元二年進士歷僉判韶州知懷安漳浦溧水三縣通判廣州在韶州攝郡逾歲卻例券金不取崔與之司臬行部服其公廉寶慶初真德秀薦以應詔謂文章根乎理致政事出於慈祥時賢交推輓之洽表啓典裁偶儷精切他作皆清麗可愛未六十卒有遺稿數十卷祀鄉賢

劉志學字師孔以薦入上庠與兄璧咸淳七年唱第

同安縣志

卷之二十二 文苑

十

釋褐教授台州以二親高年白郡歸省未幾元兵南下杜門自守菽水爲娛蒲壽庚欲羅致門下不可得下帷講誦四方學者從之如雲暮年喜與同輩縱飲劇談翰墨淋漓種菊數十本號曰菊圃以陶元亮韓致光自許卒祀鄉賢

蘇玘字訓直以恩補將仕郎調嚴州遂安尉擢爲尚書吏部郎中屬文有體制筆法簡遠其尺牘尤爲時所珍愛往往藏去

明

陳福山洪武癸酉甲戌聯第進士令零陵素蠲無徵
稅千餘石永樂丙戌較文廣東丁亥徵入纂修大
典後改江山縣訓導陞瀧水教諭祀鄉賢

張苗字世英號實齋成化丁亥以楷書精妙擢中書
舍人癸巳修通鑑綱目成遷大理寺評事壬寅進
御覽小楷綱目超拜太常寺丞旋加少卿又以叔
敏保翊孝廟功推恩進太常卿尋改南京通政使
乞休歸與蔡觀慧顧美等十七人爲逸樂會蔡清
爲文記之宏治乙丑晉階二品予定宏治庚戌進

同安縣志

卷之二十二 文苑

十一

士宜辛酉舉人

葉普亮字廣熙號靜菴嘉禾蓮坂人幼穎異讀書經
日數行俱下正統戊辰進士授南京清軍御史清
無名之役鄉人至今德之補北京巡城御史復任
河南道監察御史清理諸路戎政時有番使陳詩
上命邱濬商輅等十三才子和之普亮與焉又嘗
與商輅劉某策馬觀榜商一覽無遺公遺三者劉
遺七名時號天下三才子後歸養遊洪濟山雷雲
洞有兩階苔雨三春濕半嶺松風六月寒之句天

順中起用未赴而卒年五十葬烏石浦陳蓋山
楊朝幹號時齋力學有聲與林希元善希元落職歸
家朝幹時以詩歌酬答年四十九卒所著有四書
詩經集覽

顏揚字士抑號文岫父仁長於詩歌授徒漳州郡守
汪鳳以黃梅兩試學究仁援筆立就辭意高古大
加擊節揚就學於林次崖希元以古人之道自期
爲帖括性質聰敏舉業外每出詩文輒驚長老顧
司徒珀見其清源詩乘輿訪之侍御陳蕙嘗遊其
同安縣志 卷之二十二 文苑 三
門嘗謂功名可立致而試有司卒不利以布衣終
其身卒年七十三

劉汝楠字孟木號南郭幼穎異十歲能文嘉靖戊子
督學吳仕拔之語主考曰解元必春秋出同安及
揭榜果汝楠也壬辰登進士司理湖州入爲刑部
主事尋轉員外郎以文名擢湖廣提學爲人峭直
不肯俯仰臺察又念親老乃謝病歸太宰惜其才
學覆議病痊起用時年未四十遂矢志不出日以
詩酒自娛所著有白眉子存笥稿卒年五十八

李如玉究心禮書纂集周禮會要十五卷嘉靖八年
令其子詣闕上之詔命有司獎給冠帶事載明史

魏校傳

後隴人

洪受字鳳明潛心力學於經傳多所發明所著有四
書易經從正錄滄海紀遺十卷嘉靖乙丑以貢歷
國子助教夔州通判卒於官

周祐字命申學問該博隱居教授從者如雲傳易說
於漳郡漳之易至今宗之

蘇瀾同禾里田頭人宋魏公紳之裔有文名究心經
同安縣志

卷之二十二 文苑

十三

籍精春秋家言嘉靖戊子舉人署教五河金谿知
樂昌縣後陳令文延爲鄉賓年九十卒

傅鑰字國毗鷺島人自號鷺門山人中丞鎮之弟少
時鳴劍躍馬慨然思衛霍之勳則結束學武久之
厭去一意爲詩以詩遍交四方豪俊壯歲遊二京
吳會探雁宕五羊之勝所友善者若翰編莊履豐
戶部莊履朋及大理何喬遷侍郎何喬遠諸名人
而喬遠尤折服其詩云

李希沆字學克大學人聰穎絕倫過日成誦七歲能

文有神童之稱鄉先輩南郭劉公試以對云筆架
三山終無虎狼出沒沉應聲曰棋盤九道任他車
馬驅馳名益振嘉靖壬子歲遊庠年甫九齡學使
守令皆器異之至十八歲以疾夭無嗣所著詩直
文因遭倭亂燬却無有存者族人惜其才爲釀金
置產以充歲祀

許問邑諸生懷奇博覽善古文詞其上下古今論得
失成敗多識見所著有滄南集孫獬

劉夢騶字國成號應南存德第三子六歲隨父守南

同安縣志

卷之二十二 文苑

十四

康值父疾哀號求代母歿官舍夢騶偕弟夢松護
喪歸路人感動年十四爲諸生於書無所不窺爲
古文辭雄偉鉅麗凡達官貴人序述贈送之文必
出其手其窮愁磊砢之氣時寄於詩未幾父歿而
禍作初司寇洪朝選之姻與夢騶之兄夢龍嘗以
負債構隙及朝選被逮死獄中人疑彈詞出邑令
手而夢龍與令歡後朝選子伏闕訟冤詞連及令
並夢龍兄弟是時逮者四出夢騶岌岌不免虎口
夢龍諭以覆巢之下無完卵尚與員各自爲之而

解元林奇石亦曰兄弟俱死無益也遂不及訣家人以行昕暮荆棘中飢渴困踣漳有義俠士黃廷麟慕其名夜叩匿所與俱出治裝致之東山薛氏索者益急妻黃氏及其外母脫簪珥爲道里資由漳趨越乞吳市而棲湖之祥雲觀訪父故人凌雲翼茅坤坤止於家讀其文奇之因得與諸名公遊茅公又爲作訟冤書海內讀而悲之居二載太宰張瀚亦父故人勸夢騶歸曰吾已爲白於金省吾陶雲谷二使君矣至家杜門斂跡不與外事惟求

同安縣志

卷之二十二

文苑

十五

詩文者不可卻旣成則削其稿曰吾以當泣耳癸卯秋屬續前三日夢天帝召文士七人作卿雲護闕賦己居首賞鈔八錠醒猶記其一二卒年五十一夢騶於古文遠慕馬班後喜李于鱗集手爲註釋行之所著有天馬更生集二卷

蔣孟育號恬菴入龍溪庠萬歷戊子己丑聯登進士授翰林院庶吉士工文章以終養歸起補歷國子監祭酒南吏部侍郎古心謙德無貴態操守廉潔始終如一在吏部時其子履決不能補相視笑曰

吾父子何貧也卒以清節著祀鄉賢

許獬原名行周以夢揭魁榜更今名字子遜號鍾斗
九歲能文卽多驚人語客與其父振之談夾谷之
會危其事獬從旁應曰已請具左右司馬以從矣
客竒之年十三淹貫經史學博鄭耀稱爲天下才
司理劉純仁亦謂其當魁天下延署中讀書見羅
李公材倡學於閩往從焉慕李光縉文章徒步至
晉江師事之萬歷丁酉舉於鄉戊戌下第歸讀書
梵天寺參政汪道亨延之署中談文外不涉一私

同安縣志

卷之二十二 文苑

十六

庚子上春官與太倉王衡會文蕭寺左不可一世
獨心折獬云春闈冠軍惟君與我耳及辛丑會試
場後見獬卷大駭曰第一人今屬子矣放榜果獬
居首衡次之殿試二甲一名改庶吉士尋授編修
館課出人爭抄傳嘗自勵云取天下第一等名位
不若幹天下第一等事業更不若做天下第一等
人品大學士李廷機素端介獨與獬善過從談必
竟日閩苦稅璫有奸人勸璫上書分括山海之利
人心皇皇獬貽書温林二御史寢其事以病假歸

囊僅數十金一目鴻漸山圯一隅大星墜地而獬
卒年三十有七獬夙聘顏氏將及笄得疾而眇其
妻父欲易以他女獬堅執不可及娶情好甚篤既
貴如一日爲孝廉時有巨姓橫鄉里痛絕其非巨
姓乘獬北上匿眾擊之途獬下車亟避忽見兩白
衣婦掖過叢棘中入村舍得免回視寂無人也性
嚴峻狷急殫心力學矢口縱筆精義躍如海內傳
誦其文曰許同安所著有四書合喙叢青軒集六
卷祀鄉賢

同安縣志

卷之二十二 文苑

七

池顯方字直夫號玉屏浴德子未遇時見知於撫軍
南公居益天啓甲子舉應天試好禪學工詩文與
鍾譚相倡和著有見巖集南參集玉屏集澹遠詩
集李杜詩選林孕昌序其集云直夫冰璞枯骨畔
幅坊身學紹青箱韻高白雪卓乎不可一世云
紀文疇博學有名與子許國並遊黃道周之門稱高
弟著復書史勺等書亦海鳥

劉霖任字受之號澹明夢潮子崇禎丙子登賢書攻
苦過寒素二子旣貴猶手不釋卷喜論文日與諸

生請論品題時稱宗匠

葉后詔爲諸生屢試冠軍崇禎甲申應歲貢京師陷未廷試而歸以詩酒自娛與徐闇公鄭牧仲輩爲方外七友著有五經講義及鷓草各若干卷行於世

梁岐超字士升號定遠宋文靖克家之後幼習舉業兼通堪輿事母以孝聞好觀書史於歷代盛衰興亡之跡瞭然心目見內外交誼士大夫居高擁厚無憂國之心感憤不平嘗南遊得貲歸值歲暮過

同安縣志

卷之二十二

文苑

六

龍巖遇盜憐其孤旅不掠而去人謂孝誠所感享年七十七卒岐超能詩嘗與丹霞林文穆舟行聯吟文穆賞其水淺窺魚室林疏識鳥家之句謂有逸致所著有史評

國朝

李其蔚字豹君入晉江庠崇禎壬午舉人順治壬辰進士任汾洲府推官工詩文字法所著有秋懷磊園紀槩至見錄等集

陳常夏字長賓號江園生鄒家遊南靖庠居晉江家

貧篤學順治辛卯舉人辛丑會試第一出爲朱脂
令辭歸又僑居漳之龍溪蕭然一室左經右史雖
脫粟不繼怡然自得也有故人贈之金悉以分諸
匱乏者晚學益邵望益高負笈從遊者如雲日與
諸弟子講學不倦卒學者稱爲鐵山先生著有課
兒家乘江園詩文集

張贊宗字子參康熙壬寅入粵隱粵市數十年性孝
友慕義生平嗜古好學爲詩文多奇思偉論築齋
於雙橋額曰澹若學者稱爲澹若老人年七十二
同安縣志

卷之二十二 文苑

五

卒所著有史評詠古澹若齋前後編餘狂井桃蠅
音詞等集子河圖康熙辛卯廣東舉人
鄭得瀟池仔人康熙閒爲諸生一試不遇遂棄去沈
酣經史年九十餘手不釋卷著有五經通義易研
文學指南史統等書及人字圖說蘧廡近吟說各
若干卷

林霍字子濩號滄潛博學工詩究心聲韻之學著述
頗富優游林壑有滄潛詩集滄潛文集及雙聲譜
韻學行世

周夔邠吏部家椿曾孫以才豪諸生中著有易說歲
鑑史滙四卷恕醉集二卷

陳夢球號二受石尾人鼎孫木華子有文名由正白
旗籍中康熙甲戌科進士翰林院編修歲戊寅高
麗阻飢 欽命運米賑濟復使乘舟浮海由北直
抵閩巡視六省以詳險要己卯典試湖廣所拔士
多捷南宮

周奇炤爲諸生淹貫經史教授多成名晚年淡進取
大肆力於詩文有躬行堂詩文集

同安縣志

卷之二十二 文苑

三

蔡驥良字德夫號素亭少孤讀書勵志作爲文章獨
出機杼又工草法以漳浦學中康熙庚辰補科舉
人榜姓劉復本姓二十九年教諭同安日集生徒
會課不怠清學宮射圃地不混於民居在任十有
七年甲乙士人皆服之凡九上公車康熙丙戌始
登第同考稱爲義壇名手所著有日閑齋稿

葉奕章郡諸生以淹博著於邑里質疑問難者常屢
滿於門

葉壽晟爲諸生刻意勵行篤學能文所著有四書解

易解子心朝以南宮顯

池其繩顯亮孫康熙辛巳貢生性行溫和好學不倦
著史眼詩緯四書講錄等書

許其鏐字含之工詩田茂遇謂其縱橫自如不囿於
境如樵秋嶺釣春潭童山涸澤未足擬似

莊元聲餽於庠性嗜學於天文地理諸子百家之書
皆能通貫人以腹笥稱之有雁字詩校射賦臚炙
人口

陳可遠陽翟人字騰公號與洲爲諸生餽於庠恬淡

同安縣志

卷之二十二 文苑

三

好學教授生徒日以道義經史相磨切疊疊忘倦
年幾九十有以文就正輒令孫曾口誦諦聽改定
著有澗香編時文大易參訂朱子綱目詳論周禮
訓解禮記定本宋四家詩評各若干卷

張對墀字丹颺號仰峯青嶼人遷居晉江康熙甲午
舉人辛丑進士雍正二年考試一等任太康知縣
有政聲因友人事株連獲罪卒於配所生平博學
多識詩古文奧衍宏深力追古人所著有同江集

行世

黃而輝字述之好學工詩爲詩沖澹雋遠華亭董蒼水俞謂其詩如飛黃躡影瞬息千里而步驟有度不負泛駕之累又如于洞庭湖心吹鐵笛清聲逸韻能令波濤混漾魚龍出聽田髯淵茂過謂其和平而俊爽幽細而穩實洋洋颯颯於風雅窮泳游而身厲揭所著有訥園詩選

陳重琳字次雍安仁里馬鑾人籍隸龍溪雍正甲辰鄉薦少沈靜喜讀書父母以獨子憐之及夜以帳蒙燈篝潛讀弱冠補弟子員壬午中副車時學者

同安縣志

卷之二十二

文苑

三

多勦襲浮靡鮮根柢實學重琳獨細研宋儒性理諸書無不破其藩籬洞徹源委終口危坐如木偶人乃至講解理蘊辨析古今疑義則滔滔不竭若決江河故一時從遊數百人多所成就性嚴重喜怒不形不議人長短得失至大義所在必毅然而爭舉鄉時年六十八矣猶纂言紀要手不停披卽臥病牀褥亦列書史以自娛所著有四書彙抄經義纂要華巖文集學者稱爲華巖先生

莊天能字景又歲貢生博涉羣書下筆千言立就問

奇者屢滿戶外隨叩輒應著有未齋集及粵遊草
許琰字保生號瑤洲康熙甲辰舉人丁未登進士翰
林院庶吉士以散館磨勘罷歸著有寧我堂集
陳臯字子偉陽翟人增生博學工書法尤長詩古文
辭泉南風雅推爲白耆著有周易標旨葩經纂要
輪山存真稿愧雅軒詩集鶴崖後稿各若干卷

劉蔚字希仲爲諸生補餼積學淹博爲文規撫東西
漢授徒嚴肅經史子集皆令手鈔成誦著有後村
文稿四卷外集二卷四書臥薪集七卷子紅茶乾

同安縣志

卷之二十二 文苑

三

隆辛酉舉人

劉寶玉字敬承廩生淹貫百代尤得力於韓柳二家
爲文高古不蹈常蹊鄰郡之士越境就正戶屢恆
滿寶玉悉心指示聞者各得其意以去著有愛霜
篇更炊草行世

黃江字岷水積善里錦宅人巨川其號也賦質聰敏
讀書日可數千言少時爲諸生每負氣自豪及長
從陳華巖遊沈浸宋諸儒恍然悔悟遂謙沖自抑
勿以賢智先人父錫明積學無所遇以立名望江

江益奮屬博通經史工詩及古今文中雍正甲辰
科舉人猶以南宮未捷爲歎已銓縣令以非父志
不就援例爲內閣撰文中書迨辛未弟濤聯捷成
進士乃曰今差可少寬吾責耳上事二兄備極愛
敬與弟同學業出入必偕登臨必共江早年喪母
嘗累歛終日晚歲與弟約曰吾與汝皆不及養吾
母并吾母儀容亦無髣髴焉歿當同窆於母墓之
旁以申其痛爰自題塋石曰岷山姜被而卒年六
十有三所著有河圖洛書律呂圖說四書日抄若

同安縣志

卷之二十二

文苑

三

于卷藏於家錦莊詩古今文已合文川稿梓行

張星徽字北拱號居亭父德溥雍正壬子舉人以孝
友著星徽康熙丁酉第三名經魁榜姓金復本姓
辛丑成進士磨勘罷第歸以舉人銓選授望江令
改海澄教諭興學課士勤於其職生平好學慕古
遍讀羣書老而彌篤著有歷代名吏錄四卷春秋
四傳管窺三十二卷評註戰國策全集十八卷

莊科達字文清號困齋郡增生在坊銅魚館人少篤
於學自經史而外凡諸子百家天文地理之書靡

勿曉瑛寫晨書雖當酷暑嚴寒未嘗釋卷老而不
倦家故貧杜門不與外事又古樸性成拙於逢世
由是益困及至炊煙屢斷而編纂如故晏如也嘗
自題其座右曰師聖友賢惟此詩書長作伴知人
論世時將敬恕省存心卒年七十有九所著有古
文自得二十四卷經史詮釋二十二卷

葉晴峯字子機感化人邑諸生喜讀書工詩賦不沾
沾舉子業閉戶兀坐終日或遇佳山水無朋獨往
樂而忘歸有茶酒癖見麴車流涎見茗鎗亦如之

同安縣志

卷之二十二 文苑

三

議論古人輒能道其源委所著有閩中詩話宋詩
論世泉山文獻各數卷

陳世澤字榮仲陽翟人住在坊榮選仍孫郡廩生性
古樸究心經史喜爲詩歌從遊其門者甚眾所著
有漢書滙要印江詩草

康亮洪前人爲邑諸生敦修實行汲古自勤垂老未
嘗釋卷著有經學明辨論史勺言史記衷平等書
遷住馬家巷

劉蘭字青座東橋人住施山蔚子庠生篤行好學自

經史以及諸子百家皆手抄成誦爲文不蹈常蹊
大追古人著有梅庄文集四書集說

葉廷梅字近光號蘭春又號鼎居乾隆乙酉科舉人
少慧敏師事劉寶玉刻勵自命嘗一月爲文百首
樹骨選聲必峯立鯨鏗詩得崑體擊鉢韻成爲人
和而介剛而不犯談經濟決疑事磊落光明喜伉
壯任義舉倡濬銅魚池改拓儒學大門建觀瀾亭
脩邑文廟并續志廷梅董事鑲金構料寢食不
離工次閱二年廟成志亦就緒次第葺名宦鄉

同安縣志

卷之二十二文苑

三

賢忠孝節烈四祠復以羨餘構書舍於輪山絕頂
後又增構輪山西軒梅山寺後有朱子石刻同山
二字作梅亭鎮之東關外石橋圯於水捐修設護
欄行者稱便六上公車不售志弗少哀作春花詩
三十首傳都下健堂張都憲語人曰葉蘭春而不
爲金華殿中人吾不相天下士晚與雲泉二劼仙
遊集句累頁爲一時佳話著有抒篋詩集灞溪文
集灞溪雜作子紫花增生丹花武舉人

高二揮字培穎劉五店人邑廩生少聰敏博涉經史

子集手抄成誦爲文獨出機杼下筆立就工詩賦
去陳取新不落蹊徑教授生徒多所成就著有尙
書訓解周易管見瀏江文集子超然邑庠生

蔡士哲字少真號九村郡庠生操履端嚴以古人自
期許動必如法爲文有特識善持論高視濶步一
洗繁媚塗澤之習詩古文皆高老自成家著有霽
園論文續鈔試藝聞過堂初集名卿里中誌九山
堂補書詩集性情雷編滄桑遺記銅城懷古八詠

同安縣志卷之二十二終

同安縣志

卷之二十二 文苑

三